

محل اداره سی

باب عالی جوارنده ابو .
السعود جاده سنده محمود بك
مطبوعه سیدر .

امور اداره ایچون محمد رضا
افندی به امور تحریر به ایچون
اذمیدل محمد صبیحی بکه
مرا جعت اولمیدر درج اولمیان
اوراق اعاده اولماز .
اداره خانه جمعه دن ماعدا
هر کون آجقندر .

سَمْعُهُمْ بِاللَّغْوِ عَنِ الْمَقَامِ

سراط استرا

ولایاتده و درسعادته محل
اقامتینه کوندرك اوزره
سنه لکی ۷۰ اتی ایلنی ۴۰
غروشه در اداره خانه دن
التمق اوزره سنه لکی ۵۰
اتی ایلنی ۳۰ غروشه در .
آبونه لر سنه ابتدا سنندن
یعنی الی او پنجی نومرو دن
اعتباراً بر سنه لك و یا خود الی
آتی اوله رق قید اولنور .


مقالات علمیه و فنیة نك واسطه انتشاری ، كلزار ادبیاتك تجلیطه آثار بر

Directeur Mehmed Riza

مدیری: محمد رضا

نومرو ۹۴

نسخه سی ♦ ۵ پاره یه در



قونیه ده شیخ صدرالدین جامی و تربیه سی

جمله سی شمسك اطرافنده دورايدوب مجموعی بر عالم اولديغی کي سائر نجوم ثوابت دخی بر شمس اولوب آنلرک اطرافنده دخی سیارات وتوابع ولواحتی اوله رق هر بری کندی سیارات وتوابع ولواحقيله آریلوب طاقم طاقم بر عالم اولمغه بو عالم امکان حصر وحسابه کلز نیجه یوزبیک عوالمی حاوی بر فضای لايتهای اولديغی شمدیکی ارباب علم والتباهک ذره قدر اثباتهای قلامشدر .

بیت

سبحان من تحیر فی صنعه العقول
سبحان من بقدرته یعجز الفحول
بو تقدیرجه قدمای حکمانک صوغان
قابوخی کي بر برینه تماس ومتلاصق اوله رق
زجاجیت وشفافیت اوزره تخیل ابتدکاری
طبقات افلاکک وجودی اولوب هر کره
آری آری کندی مرکز مخصوصنده قائم
وحركات طبیعیله سائر اولديغندن سمانک
حرق والتیامی قبول ایتیه چکنه دائرمنازعاته
محل قالمادیغی کي ابعادک عدم تناهیسى دخی
ثابت اوله رق قدمانک حکمنجه بوشلق
محالدر دیملری بوشه چیقاریلوب لاخلا
ولاملا تکلفاتی برطرف ایلش ایسه ده
معلومات بشریه ظن وتخمیندن عبارت اولوب
هیئت عالمک حقیقتی التحق کائنات اولان
جناب رب العالمینه معلومدر .

بیت

چیست این سقف بلند ساده بسیار نقش
زین معما هیچ دانا درجهان آگاه نیست
انصاف اوانسه علوم بشریه چه کوریلان
تحولات — انسانک نصل بازئیة انقلابات
اولديغی وحکم خفیة الهیه شویله طورسون
مشهودانه دائر اولان معلوماتی مجهولاتنه
نسبتله لاشی مقوله سندن ایدوکنی اثبات
ایدر . انسان — نه دیمک — ارباب فنه
معلوم اولديغی اوزره مسکن ومأواض
اولوب شو قوسقوجه عالم عد ایتدیکمز

کره ارض بواجرام مالا نهایی جامع اولان
بعد مجرد نسبتله بر ذره موهومه متابه سنده دره
ارتق نه مرتبه هیچ اندر هیچ اولديغمزى
دوشونوبده اکا کوره معلوماتی حساب
ایده جک اولور ایسه ک صفر معکوس درجه سندن
دها اشاغی قالور .

بیت

کنجیده بصیرت اولورمی بوعجز ایله
حیثیت حوادث وکیفیت شئون
واقعا انسان هر شی بیلورم اداسنده
بر حیواندر لکن بیلورم دیدیکی شیلر حواس
جهانیه نک خارجدن اخذ ایله قوای باطنیه
القا ایتدیکي صور حسیه ده عقلک تصرفانندن
عبارت اولوب حواس جهانیه نک ادراکاتیه
محدوددر ایلروسنه تجاوز ایده مدیکی کي
حواس جهانیه نک هر بریسی دخی کندی
دائرة حسیاتیه محدود ومحصور در آنک
خارجنه چیقماز مثلا براعصای مادرزاده
باقیکز اکا کوره (عالم) فصل برظلمت
ایدندن عبارت اولوب دائرة شهوددن ساقط
ایسه بعینه حس سمعه مالک اولمیانلرک عندنده
دخی صنف مسموعات دائرة وجوددن ساقطدر
کذلک حس شم وذوق ولس دخی بونک
کیدر .

هر قیغیسته فقدان وزوال ویا بر صورتله
فساد واختلال عارض اولمش اولسه آنک
عندنده محسوسات اونسبت اوزره بولنور
— از جمله حس شم بالفرض یوق اولمق
لازم کله ادراکاتمز محسوسات اربعه ایله
معقولانه منحصراوله جفندن مشمومات
(معدومات) حکمنه کیروب ایشته اولانی
بودر — اوتنه یانی یوقدر کي ظن اولنور
واقع حال ایسه بونک خلافتدر .

الحاصل دائرة معلومات بشریه محدود
وساحه عالم امکان ایسه غیر محدود اولديغندن
بز آنک کنه وحقیقتی ادراک واحاطه
ایده میز .

بیت

العلم للرحمن جل جلاله
وسواء فی جهلانه یتفهم
عارف حکمت

دیانت حقنه دن

مابعد :

اک قیصه بر سورده سنک مثانی اتیان ایتمک
قدرت بشریه نک فوقنده بولنديغنه وبناء علیه
هیئت مجموع سنک بیکلرجه معجزات باهر اتدن
عبارت اولديغنه نظراً قرآن کریمک کرک
الفاظ بلیغه واسالیب بدیعهنی وکرک معانی
دقیقه واحکام متینهنی بحق تصویر ایتمک
واوزمین عالیده کرکی کي تحریک خامیه
جرات ایلیمک بزم کي نو هوسانک وازهر
جهت ، صاحب نقصانک دائرة وسفندن
بیرون وحدود صرفانندن پک چوق افزون
ایسه ده برخیلی زماندنبری قرآن کریم حقنده
بر طاقم مناسبتر کفت وکولرک کیتدکجه تراید
ایلمسی بزلی حسب المسالك شوموضوع عالیده
تحریک خامیه مجبور ایلمش اولديغندن
بوابده کی نقصانی عرفانمز باقیه رق هم حقایق
قرآنیهدن بیکانه اولان اخوان دینمزی
اولدقجه ایضا ایتمک همده خصاء دین
مینمزه قارشو ممکن مرتبه مدافعه ده بولنمق
مقصد خیر مرصديه قرآن معجز بیان
حقنده مسرودات سابقه ومعروضات اجما
لیهمزه علاوة مباحث اتیه بی اتیان ایتمکی
دخی اقدام وظائفدن عد ایلدک .

مبحث اول : رسول اکرم صلی الله
تعالی علیه وسلم اقدیمز حضرتلری بوندن
بیک اوچوز بوقدر سنه اول علوم ومعارفدن
بالکلیه دینله جک درجه ده محروم اولان
وحقی (قوم امی) نامی آلمش بولسان بر
اهالی اینجسده ظهور ایتمش وهیج بر فرد
آفریده طرفندن تعلیم وتربیه دخی کورمامش

اولدینی حالده کندیسنه نازل اولان قرآن کریم اوزمانلرده دنیاده موجود اولان علوم متنوعه و معلومات بشریه نك كافه سنی جامع اولدینی کی اوعصر لرده هیچ کسه نك خاطر و خیالنه کلامش اولان نیجه معارف کونییه و حقایق فیه بی دخی حاوی و بو ایسه انك منزل من عندالله بر کتاب خوارق نصاب اولدیغه نك بیوک بر برهان قاطع در .

از جمله کره ارضك ساکن اولیوب بلکه علی الدوام سیرو دوران ایلدیکی شمسكده کندی محور و محل قرارنده جریان ایتمکده اولدینی کشفیات اخیره جمله سندن ایکن قرآن کریم (تقدیر عزیز و علیم ایل شمس کندی محور و محل قرارنده جریان ایتمکده در) و (سن بو طاغری ساکن کور یورسك حال بوکه آنلر بلوطلر کی مرور و عبور ایلمکده در) مألنده کی ایکی آیت کریمه سی ایل شو حقیقی بوندن بیک اوچیوز بو قدر سنه اول اظهار و اعلان ایلمش و بو صورتلده صدق نبوت محمدیه به شهادت ایتشددر .

کذلك (کون و فساد) قانونی فلاسفه قدیمه نك زعم ایتدکلری کی فلک قمرک جوفنده بولنان عنصريات عالنه مخصوص دکل بلکه او قانونك حکمی ارضیه اولسون ، فلکیه اولسون بالجمله اجسامده جاری اولوب بو عالم حس و مادیده هر شیک تبدل و تغیره معروض اولدینی و بناء علیه هیچ بر جسمك کندی صورت مخصوصه سنی ابدی اوله رق محافظه ایده میه جکی محققات امور صره سنه کردیکی مختصرات جدیده و کشفیات اخیره جمله سندن بولندینی حالده قرآن کریم بو اسرار کونییه و دقایق طبعیه بی دخی (روز قیامتده بالجمله اجسام ارضیه و اجرام علویه بشقه صورتلره تبدیل ایدیلر جک و ایشته اوزمان انسانلر واحد قهارك سطوت و عظمتی عیناً مشاهده ایلر جکلر در) مألنده کی بر آیت جلیله سی ایل اخبار ایتمش و (تبدل)

لفظیلده ینه کشفیات اخیره دن معدود اولان (بولالده هیچ برشی محو اولماز) قاعده حکمیه سنه اشارت ایلمشدر .

کذلك اکثر اجسام سماویه نك کره ارضک کی مسکون اولدیغه و انلرده دخی انسانلر ، حیوانلر بولندیغه دائر حصوله کلن نظریه لر دخی کشفیات اخیره جمله سندن اولدینی حالده قرآن کریم (جنساب حقل اجرام علویه و سفلیه بی شو طرز بدیع اوزره خلق ایدیشی و هر ایکی سنده ده انواع حیواناتی نشر ایلدیشی کندیسنك موجودیتنه و وحدانیتنه دلالت ایدن براهین قاطعه جمله سندن در) مألنده کی بر آیت حکمت غایتله شوسر عجیبی دخی بوندن بیک اوچیوز سنه اول اخبار و اعلان ایتمش و بو اخبار معجز کارانه سیلده اونجی امی نك صدق نبوت و رسالتنده اصلاحك و شبهه بر اقامشددر .

ایشته قرآن کریم بونلر کی دهانجه حقایق فیه و اسرار کونییه بی متضمن بولمش و بوجهتله فنون مادیه صحیحه و علوم بشریه حقیقیه به مخالفت شویله طور سون بلکه معاونت بیلر ایلمش ایکن غریبدرکه بزرقرآن کریمک بوکی آیات ینسانی فنون حاضریه توفیقه و بو صورتله ارباب فنون اولان و ذهنلری بر طاقم تشویشات ایلر مالی بولنان اولاد و نظمزی شریعت غرای احمدیه احکامی سوه سوه قبوله سوق و تشویقه صرف همت ایتبورز ، بالعکس انلرک نظر لرنده کسب قطعت ایتمش اولان فنون حاضریه بی رده چالیشیورز که بونک تولید ایتمکده اولدینی مضر نك درجه سنی آرتق قارئین کرام تعیین ایتسونلر .

قرآن کریم فنون یونانیه نك اکثر مسائلنه طبان طبان ضدد اولدینی حالده فنون مذکوره هر یجه به بالترجه بین الاسلام انتشار ایتدیکی زمان بعضیلری علوم مذکور ره نك هر مسئله سنه حقیقت نظریه با قدرق احکام و اخبار قرآنیه دن تباعد ایتمکده باشلا نیجه

بو حال اسف اشتعالی کورن اسلاف کرام حضراتی مجرد هم جنس لر نك عقائدینی زین و ضلالدن محافظه غیرتیه فنون مذکوره نك بطلانی نك ظاهر اولان مسائلی ده و متباقسنه مخالف کوربان ایتلری ده تأویل و ایکیسی اره سی توفیقه بذل همت و صرف غیرت ایتمشر و ایشته بو صورتله عالم اسلامیه نك بیوک خدمت لر ایلمشدر در حال بوکه فنون حاضره ایلر آیات قرآنیه اره سنده هان هیچ ده مبیانت اولیوب بالعکس ینلر نده موافقت کامله بولندیگی جهتله ایکیسی ینتی توفیق خصو - صنده اصلاً کافت یوق ایکن بزم بوندن اغراض عین ایدیشمه ، حالا تخیلات صرفه دن عبارت اولان علوم یونانیه بی بالالزام آیات قرآنیه ایلر ینلر نی تألیف و توقیفه چالیشمه نه معنی ویره جکیزی بیلمیورز .

مبحث ثانی : هرا مور خصوصه اجرای عدالت ، حقوق ابوینه رعایت ، اولاده شفقت اقربایه مرحمت ، هم جنسنه معاونت کی شیر سعادت بشریه و مدنیت صحیحه نك اس الاساسی اولوب بونلر ایسه بر خالق متعال و بر قادر لایزالک موجودیتنه اینانقه و بر حکمه کبرانک حقیقتنه قانع اولمغه متوقف ایکن کتب سماویه سائرر بو ایکی مطلب اعلانک هیچ بر یستی عقول کامله نك قبول ایده بیلر جکی بر صورتده اتیان و اثبات ایتامش و بلکه بونلری اوزمان کی انسانلرک درجه لیاقت و مرتبه در ایتلرینه کوره ذکر و بیان ایلمشدر . هله کتب تورانیه ده آخرت بحی اولیوب مطیملر نعم دنیویه ایلر تبشیر ، عاصیلر ده آفات کونییه و مصائب دهریه ایلر تنذیر اولمش ، ذات الله وصفات الله دائر ایتلر ایسه هب حق یاری ده محال اولان بر طاقم اوصاف نقیصه بی مشعر و مقید بولنان بر چوق نصوص متضامه دن عبارت بولمشدر . کتب انجیلیه به کلنجه فی الواقع بونلرده

امور آخرت مجملًا بیسان اولنمش ایسه ده ذات الله وصفات الله دأثر آیتلر کتب توراتیه ده اولدینی کبی همان علی العموم متشابه اولوب هیج بریسی جناب حقک ذاتی، صفاتی لایقوله بیان و تعریف ایتمیشدر .

حال بوکه قرآن کریم کرک الوهیتی و کرک امور آخرتی هر عقل سلیمک قبول ایده چکی بر اسلوب عالی و بر طرز بدیعده مکمل و مفصل بیان ایتمش و حتی بو ایکی مطلبه دأثر شرفزول ایدن آیات بینات قوجه بر علم کلامه بیله مأخذ اولمش و علم مذکورک براهینی دخی او آیتلر ایله تأیید ایدلمیشدر . قرآن کریمک مأخذیتی یالکیز علم کلامه ده منحصر قالمیشدر .

تصوف ، اخلاق ، اصول ، فقه ، صرف ، نحو ، لغت و سائر علوم و فنون اسلامیته کافسی قرأندن اخذ و اقتباس ایدلمیشدر . حتی قرأنده علم طب دخی موجوددر . یو باید بر فقره شهوره دخی واردر که یروجه آتی ذکر اولنور .

اطبای نصارادن بریسی اجله اسلامیته دن بر ذاته (علم ایکی نوع اولوب بریسی علم ادیان دیکری ده علم ابداندر حالبوکه سزک کتابکیزده علم ادیان مکملًا موجود ایسه ده علم ابدانه دأثر بر شی یوقدر .) دیمه سی اوزرینه عالم مسلم (بزم کتابکیزده جناب حق علم طبی بر آیتک تصفیه بیان یورمشدر) جوابی ویرر . طیب نصرانی او نصف آیتک بیان اولنمشنی عالم مسلمدن طلب ایدر اوده (سزه حلال و نافع اولان طعاملری بییکیز طاهر و تمیز اولان صولری دخی ایچیکیز فقط یو باید اسراف ایتمیکیز که الله مسرفلری سومز) مآلنده کی نصف آتی قرائت ایدر . بونک اوزرینه طیب نصرانی حضرت رسول اکرم طرفندن دخی یو باید بر حدیث شریف و روایدوب ایتمدیکنی سؤال ایلر . عالم مسلمده بو سؤاله جواب اوله رق (معده

هر خسته لنگ مأوی و منشئ، حیده هر دوانک یکانه رئیسدر . و بدنه آلیشدر . دینک هر غدا و اسباب بقای ویرمیدر .) مآلنده اولان (المدة بیت الداء الخ) حدیث شریفی اتیان ایدنجه طیب نصرانی « الحق نیکیز و کتابکیز حفظ الصحة و ازاله مرضک باشی اولان شیرلری بیان ایدوب جالینوسه اصلاً احتیاج بر اقامشدر » کلام منصفانه سیله مقابله ده بولنور . فی الواقع قرآن کریمده بدن انسانه نافع و مضر اولان شیرلرک جمله سی مکملًا بیان اولندقدنصکره نصف آیتده ده اطعمه نافه فی الکیزه و اشربه طاهره فی شربیزه علی طریق الاباحه فرمان صدور ایتمش و حق الانصاف حفظ الصحة دخی بوندن عبارت بولنمش اولدیفندن قرآن کریمک علوم سائر کبی علم طبی ده جامع اولدینی و بناء علیه جالینوسه دکل هیج بر طبیبه حاجت بر ایدینی شبه سزدر .

حالبوکه اگر بزم کتابکیز قرآن کریم اولیوبده مثلاً انجیل و تورات کبی بر کتاب اولسه ایدی ذکر اولنسان علومک هیج بریسی اسلامده بولنیه جق ایدی . ایشته بوده او کتاب مینک صدق رسالت احمدیه دلالت ایدن معجزات باهره جمله سندن اولدینی اثبات ایتمکده در .

فاتح درسعالمردن

مری ماضی

فاضل بی عدیل محمود اسعد افندی

حضر تلرینه

توافقیله عقل و حکمت اوزرینه طرح افتخار ایدن بالجمله مسائل شرعی کبی تعدد زوجات مسئله مشروعه سنک دخی عقل و حکمت و انسانلرک طباع و امرجه سنه نه قدر موافق اولدینی بر صورت مقنعه ده حل و اثبات بیوزدیه کزدن طولانی سوکیلی

دینلرینک الک اوافق بر مسئله سننده بیله مکنون بولنان خفایای حکمت و علویته انکشافی کورمکله قریرالعین اولان موحدینک قلوبنده ذات فاضلانلری حقنده تمکن ایدن حسیات متدارانه کترجانی اولق اوزره بعض تصدیعاتک مرصنه مساعده بیورلمشی رجایدرم :

معلوم فضیلتدر که دین اسلامک غشاوه انکاری بیرتماق درجه لرینه کن حقایق باهره سنه قارشو اوروبانک الک قوتلی الک ناقابل تدای مدافعه سی بوکی تریات معنویه خصوصنده کلا قید بکبی تفحص بولنمیشدر . اوت : دنیانک تلال و جبالنی ، منهای جنوب و شمالنی ، الک خفی اسقامنی ، الک اوزاق اجر امنی کشف ایتدکن بشقه قرق الی سنه صکره سیاسیات عالملرینک کویستره چکی مناظر اخذ ایده چکی رنک مبهم استقبال بیله نظر ابتصار لرندن قور تولیان دیلوماتلرک فیلسوفلرک عدم اعتقاد مبدأ و معاد اوزرینه تضاعف ایدن — ویر قومک ، اوزرینه بعث اولنان نبی طرفندن اظهار ایدیلرک معجزه به باقاسی ، بالاتزام کوزلرینی یومماسی کبی مبرم بر حاله بکزه یز — تفافلری و « نعمتک اعظمی ادومیدر » قضیه سنک مقتضای اوزره وار ایسه ده یوق ایسه ده بوندن عبارت ظنیله قایلوب کوکل باغلا دقلری بونی مال و بیوفا آلاشک قات قات فوقنده اولان و هیج اولمزسه اوله اولدینی خبر ویرلن بر سعادتک بر نعمت سرمدیه نک و لواحتیاطاً — فقط همده بحق — تدقیق و تحریری جهته رغبت کویستمرلری کندیلرینی اتمام ایتدیرمک بر درجه ده در :

فی الحقیقه اوروپا طلاق کبی ، بعض یرلنده ده ضمناً منع مسکرات کبی احکام شرعی مزک چوغنی ولو طرز دیکرده تقلیده مجبور اولمشدر اما تعبیر ایتدیکم وجه ایله ساده مجبور اولمشدر . . تحسین ایتک یاخود